



40. ՄԱՆՈՒԿ

Մեկ լավ տղեմ կեր, զինքն էր, ուր մեր. էլավ, գնաց մեկ գեղ, ասաց.
«Տեհամ մոռես, ըլնեմ որթկարած»:

Գնաց, խնդրվավ, ասաց. - Ձի անես որթկարած, շախվեմ:

Ասաց. - Ա՛յ տղա, ոյու կանա՞ս որթիկներ շախես:

Ասաց. - Կանամ:

Ասաց. - Դե, գնա հեռջև որթկներաց. կիրակնեց կիրակի քյու խաց-
մաց ժողովի, հմեն որթկի մեկ դիտր ցորեն տամ քյու հախ:

Էլավ, գնաց հեռջև որթկներաց: Էն որթիկ իշ կը դռջըկեր պառաի
կէհեր, էն կը հեր. տղեն կը հեր կը տփեր, բիրեր մըջ որթկներաց, իշ կը
մներ դումահիք, կը տփեր, չում կը խասցներ որթկներաց:

Էդա լավնով մեկ շափական մեջ խինգ, վեց որթիկ սպանեց:

Գեղական էլան, գնացին ռեսին ասին. - Մենք էն որթկարած կապուլ
չընք անի. մե որթկներ հըմեն սպանեց:

Հէլան, մլուցին ոյուս, գեղից խամին:

Էլավ զինք առեց մեր, էկավ մեծ քաղքիմ մեջ, ասեմ, էջմիածնա ցեղ,
բնակարան իսկին, մեկ տան տնվոր իլան:

Էն լաճու անուն Մանուկ էր: Մանուկ իլավ, գնաց մըջ քաղքին ուր
խմա ցախ-բան բիրեր, կտեր խացի, զինք, ուր մեր կուտեն:

Էրկու օր, իրեք օր, չորս ավուր մեջ ուր լավնով ուր բան քութա
արաց. ինք ուր մեր շախվան:

Մեկ օր իլավ գնաց փողնի մեջ, գնաց բանցր օթիս հեռք, տեհավ աղջիկ մը փանճարից կիշկա թըխ ճամբախ. Մանուկ էդա աղջիկ տեսավ, հըլին ոսկի կեր ճակտին. եռսուն օսմանլուի ոսկի կարուկ էր ֆասի վրեն:

Մանուկ ուր սրտին մեջ ասաց. «Աստվա՛ծ, կըլնի որ էն ֆաս ինի եմ ձեռ, ես տանեմ, ըմենով շախվեմ»:

Գնաց, կայնավ դեմ փենճերին. Մանուկ ուր գդակ առեց վեր, աղջիկն էլ ուր գդակ առեց ձեռ. Մանուկ ուր քոլոզ թալեց վեր ու բռնեց. աղջիկն էլ ուր ֆաս թալեց վեր ու բռնեց. Մանուկ ուր քոլոզ ծընա զըվըռցուց, բռնեց. աղջիկն էլ զըվըռցուց, բռնեց. աղջիկն էլ զըվըռցուց, թալեց, բռնեց:

Մեկ դիր էլ սկուն, մեկել դիր Մանուկ բանցր թալեց ու բռնեց. աղջիկն էլ մեկ դիր բանցր էթալ ուր ֆաս, բռնեց: Մեկել դիր, աղջիկ ինչ բանցր էթալ տը բռնեք, ընկյավ ցած:

Մանուկ առեց ֆաս ու գնաց տուն:

Գնաց մոր ասաց. - Մերիկ, բանմ գնտեր իմ. դյու էն մեղաց դրիք կըլնեն:

- Չէ, - ասաց, - բե տսնամ ինչ բան է:

Ֆաս մոր շանք տվեց, եռսուն ոսկի վըր ֆասին կարուկ էր:

Ասաց. - Դյու էս մեղաց շրիք կըլնեն:

Ասաց. - Չէ՛, չըմ ըլնի, ձի կա վըր քե խաց, քյուր, շոր, չում էն օր իշ ես մեռնեմ. ես էդա մեղաց տեր չեմ ըլնի:

Մանուկ էդա ֆաս բիրեց, դրեց հեռք ուր. էդա ոսկիք դանկով հըմեն կտռեց. ֆաս տարավ, պախեց, գնաց, չում տաս տարի էդա ոսկիքներով առուտուր արաց, վրեն ընկյավ, հավելցուց, էն ինչ հավելցուց, ուր խըմա վիրուց. եռսուն ոսկի էլ տարավ գնաց մո ոսկերիչ, տվեց կանթել, էմել դաշվան ցեղկանթեց, բիրեց. կարեց վըր ինոր ֆաս. ֆաս վիրուց, ասաց. «Ես տանեմ տամ տեր»:

Գնաց էդա աղջկա խոր դյուռ տփեց, աղջկա խեր ուր մշկուն ասաց. - Գնա՛, կյո մեկմ դյուռ կտփի, ի՞շ պտի, տուր, թո տանի:

Գնաց, ասաց. - Ա՛յ մարդ, քե իշ պտի:

Ասաց. - Չի գյործ կա խը քյո աղին, ասեմ, զըվրեմ հետ:

Դյուռ գոցեց մշակ, գնաց մո աղեն, ասաց. - Մարդմ իկե, կասի ձի գյործ կա, խապար կա քյու աղին:

Ղանչեց էլավ. - Հայ տղա, քյու գյործ ի՞, ասա՛:

Ասաց. - Աղա՛, ծընեմ տարի քե զատ չի՞ կուրիսե:

Ասաց. - Չէ:

Ասաց. - Խա, կուրիսե, դյու չըս իմնա:

Կնիկ կանչին, բերին, ասաց. - Չէ, զատ չի կուրիսե:
 Մանուկ ասաց. - Խա՛, կուրիսե, ես գիտեմ, ծի տմեն ի:
 - Բե՛ր, օր մերն ի, ես տ'առնեմ, օր մեր չի, տա՛ր, գնա քե:
 Ֆաս շանք տվեց, ասաց. - Էսա ի:
 - Եմ աղջկա ֆասն ի, - ասաց մեր:
 Աղեն ասաց. - Ա՛յ տղա, եսա քյանիմ տարի ընկե մո քե:
 Ասաց. - Էսա տաս տարի մո ծի ի:
 Ասաց. - Տաս տարվան ի՞շ ավելվցուցիր, բե, կես քե, կես ինծիկ:
 Ասաց. - Չէ, զատ վրեն չեմ իկե, քյու մալ բիրի, տվի քե:
 Ասաց. - Չէ, չըլնի, են ֆաս, ոյու իշ տարեր իս, են աղջիկ դիվախաբեր
 ի, տը տանես, են աղջիկ պախես, չյուր ժրի:
 (Աղի աչք ընկե վըր Մանուկ, մըջ ուր սրտին կասի. «Էս ըսկուն անեմ,
 աղջիկ պսակեմ վրեն»):
 Աղեն մշկուն ասաց. - Այ տղա՛, խալիչեն բե, աղջիկ դնենք ինե.
 դիվախար ի, թը տանե, չում ժրի:
 Իլան բիրին, դրին մըջ խալիչին, փաթութին, տվին Մանուկին
 քյամակ, Մանուկ առեց, գնաց տուն, մոր ասաց. - Մերի՛կ, աղջիկ
 դիվախար ի, տվին են քյամակ, ծընա ասին, ես բիրի, էկա:
 Մեր ասաց. - Բա՛ց, իշկանք, աղո՞րթ դիվախար ի:
 Էդա աղջիկ բացին, խալիչից խանին ոյուս, շատ սիրական աղջիկ
 մ'էր, ոսկի արծաթից փելք կտեր ինոր շորեր:
 Մանուկ, ուր մեր ասին. - Դիվախար չի, մենք չընք կռնա շախի,
 տանենք թասլիմ տեր անենք. «Մեր տուն մկներ որ կը կռվեն, ինոնց
 պոչեր հառքից ոյուս կոյնեն»:
 Էլավ Մանուկ փաթըթեց. էմել առեց, գնաց. տարավ ոյուս տփեց, էմել
 աղեն մշկուն ասաց. - Գնա՛, ոյուս բա՛ց. զատ մը տուր ձեռ, թո էրթա:
 Մշակ գնաց, ոյուս բացեց. Մանուկ առեց աղջիկ, էկավ ասաց. - Աղա՛,
 ես չեմ կռնա քյու աղջիկ շախի. «Էմ տուն օր ես ակռաստ կուտեմ,
 հընթրիս չմնա, որ հընթրիս կուտեմ, ակռաստ չմնա»:
 Ասաց. - Տղա՛, են օր իշ են ֆաս որ Աստված քե խսմաթ ի արե, են
 աղջիկ քե խսմաթ ի իլե, արե են ձեռ. են աղջիկ տամ քե:
 Մանուկ իլավ, գնաց ձեռ:
 Խարցնեց. - Զյո անուն իշ ի՞:
 - Էմ անուն Մանուկ ի:
 Գնացին, էրեց բիրին, աղջիկ պսակին վըր Մանուկին:

Աներ ասաց. - Մանուկ. դյու քյո տուն տը բիրես վըր էմ տան, թի՞ ես էմ տուն բիրեմ վըր քյո տան:

Ասաց. - Չի տուն չկա, էմ տուն պտի բիրեմ վըր քյո տան:

- Դե, - ասաց, - գնա, առ արի վըր էմ տան:

Գնաց, ուր տուն առեց, էկավ վըր աներոջ տան:

- Մանուկ, - ասաց աներ, - ես տղա-մղա չունեմ, ձի կայ մեկ աղջիկ, որ պսակի վըր քե, ունեմ յոթ տուքան, յոթ օտար մարդ դրեր եմ վըր էմ տուքաններաց. ես ութնե ութ կէիամ, ինոնց փարեն կիաշվեմ, կգյամ ետ. ամանաթ քե կտամ էն տուքանքեր, էն տուն:

Մանուկ իլավ, գնաց տուքանքեր, մեկ տուքան գինք նստավ. մեկեկքերաց մեջ մարդ դրեց. ուրին աղպապ ճարեց:

Աղպապքիր ասին. - Մանուկ, մարդ չգիտի թե մենք թուճար ենք, մենք տ'երթանք Ստամբուլ, որ խալխ գիտի թի մենք զախմ թուճար ենք. ըլնենք իրիվանք:

Ասաց. - Խա, տեհանք՝ ինչխ հազ անեք:

էկավ ուր աներոջ ասաց. - Պտի մեր աղպապքեր էհանք թուճարութեն, որ ըլնենք, էրեանք, մենք մե խել բռնենք:

Աներ ասաց. - Ես չըմ թողե, Աստված քե տվե, կե, խմե, չու հուրն հավիտենից քե խերիք ի:

- Չէ, ասաց, - էմ աղպապքեր կեհան, ես էլ խետքեր կեհամ:

էլան, մեմեկի քսան քիսու մալ բռնին, դրին մըջ կյամուն, իլավ ինք ուր աղպապքերով կյամին թողին, գնացին:

Կյամին տարավ ֆուրթունեն, զանեց մե սար. կյամին պլավեց-կործանեց: Մանուկ մընեն պրծավ. Աստված պրծուց: Մանուկ նստավ մե տախտըկի վրեն: Կյամին տախտակ քշեց, տարավ. գնաց Չինաստանա թագավորի մը դյուս ընկյավ, դյուս ընկյավ ծովու եզր, ուր շորեր խանեց, քյամեց, թալեց ծովու կրաղ, ասաց՝ թը չորնա:

Ըռութ դա նստավ, մե վիսկի արող ծովու բիրան վիսկի կանի. էս մարդ կըլնի էն մարդյու դիմաց. էն մարդ ըռութ կյո դա նստիր ի, կասի. - Բշեմ, էիամ, ձի ապով չըլի վեր:

էմել էկավ ընկյավ մարդու դիմաց, վիսկին կայնեցուց. էկավ գնաց մո էն մարդ: Մարդն էլավ ուր շորեր խագյավ, խարցուց. - Դյու ի՞շ մարդ ես:

Ասաց. - Ես չըմ գիտի իշ մարդ եմ:

Չեռ բռնից, առավ գնաց մո վիսկին:

Վիսկի արողին ասաց. - Սոված եմ, խաց բե:

Խաց դրեց, կերավ, դիմել խարցուց. - Դյու քյո ահվալ ծի ասա, դյու Չինաստանա մարդ չես:

Մանուկ ասաց. - Ես ընծի տհերեմ ըսենց, չըմ գիտի իշ մարդ եմ:

Մարդ էլավ, վիսկին թողեց, Մանուկի ծեռնեն բռնեց, առավ տարավ տուն, կնկյան ասաց. - Ես մե մարդ եմ տիե, տանեմ թագավորին ծախեմ, մե քենիմ ոսկի առնեմ, շախվեմ:

Տարավ, գնաց թաքավորին ասաց. - Էսա մարդ կծախեմ:

Թաքավոր խարիր ոսկի տվեց, գնեց:

- Այ տղա՛, - ասաց, - քյո անուն ի՞շ ի:

- Էմ անուն Մանուկ ի:

Ասաց. - Ես քե գնեցի, դյու կաց քյո խըզմըթին, էմ բանին:

Էրկու տարի ըսկուն մնաց, մեկ օր ասին. - Արևմտոց թաքավոր խեծել արե, տը գյա Չինաց թաքավորին կռիվ:

Թաքավոր իլավ, ուր խեծել ժողվեց, գնաց կռիվ:

Յըմենով էդա թաքավոր ճանճըխեց. բիրեց, լցեց մըչ Չինա քաղքին:

Մեկ օր էն թաքավոր թուղթ օրողկեց մո Չինա թաքավոր, ասաց. - Ձինք բխո գյա, չէ՛, ես տը գյամ կռիվ, ինոր քաղաք տ'ավիրեմ:

Իլավ, զինքն, ուր դայիրեն առեց, գնաց կռիվ:

Ուր աղջիկ արաց թագավոր, դրեց ուր տեղ:

Մանուկ դրեց հեռն աղջկան, մեկել պիթուն առեց, գնաց:

Իրեք օր գնացին կռիվ, էն հեռն գիշեր աղջիկ ասաց. - Մանուկ, արե, էմ ոտքեր լվա:

Տաշտ բերեց էկավ, աղջկա ոտքեր լվաց:

Յիստակ լվաց, փեշկիր թալեց, սրբեց:

- Մանուկ, - ասաց, - էմ ոտքեր մաժի, չուլ էմ քուն տանի:

Իլավ ոտքեր մաժեց. աղջկա քյուն տարավ:

Գաստու ուր քյուն տարավ աղջիկ, տըսնե Մանուկ իշ կանի:

Մանուկ իլավ, լխեվ քյաշեց վըր աղջկան, գնաց հօդեն:

Ասեմ թաքավորի աղջկա դյուռ ըս տե ի. Մանուկի կյո ըս տե ի:

Մանուկ իլավ դյուս, գնաց դեմ աղոթոնին, ասաց. - Աստված, դյու ինծի ազատես ես դիմ էլ պրծընեմ էսա տեղեն:

Աղջիկ գնաց իտև, գյաղտիկ ականջ կանի:

Էկավ, ընկավ ուր տեղ, քնավ:

Մնաց մեկել օր հիրկուն, ասաց էմել. - Մանուկ, արե էմ ոտքեր լվա:

Մանուկ քյուր առեց, սախեն բիրեց. աղջկան փաչեն լվաց, փեշկիր թալեց, սրբեց:

- Մանուկ, էմ ոտքեր մաժի, չում էմ քում տանի:

Աղջիկ ուր քում տարավ, ըսկուն խռուց ուր մընե խանեց:

էլավ ծածկեց, լիսեվ դոշակ քեշեց վըր աղջկան, գնաց:

Գնաց դեմ աղոթոնին, էմել իլաց. - Դյու Տեր Աստված, դյու գմեն ավտե խոտե ձեն դառնաս, հըմենի սատադեն եմ. ձի փրցուցես էսա տեղեն:

Աղջիկ էմել գնաց. ականջ կանի:

Գացին քնան: Մնաց մեկ օր:

- Մանուկ, - ասաց աղջիկ, - արե՛ իմ ճուռ լվա:

Մանուկ սախ բիրեց, էկավ ինոր ճուռ լվաց:

- Մանուկ, - ասաց, - քյու ձեռ բե վեր, մաժե, բե՛, բե՛, բե՛:

- Չէ՛, - ասաց, - կարողութեն չունենմ, գյամ դարի վեր:

Ասաց. - Ընչի՞ կարողութեն չունես:

Ասաց. - էն օր իշ քյու խեր ձի գներ ի, մենք իլեր ինք քյոր-աղբեր:

- Մանուկ, - ասաց, - քյո քեֆն ի, դյու գիտես:

Մնաց էն առավտուն, ասին՝ Չինա թաքավոր գրեր ի վըր Արևմտոց թաքավորին, կոտոտեց, յոթ փաշալըղ տեղ մընեն առեց. զըվրավ, էկավ տուն:

Թաքավոր էմել բերին, դրին թախտի վրեն:

Հեվարին խարցնեց աղջիկ ուր խոր. - Դյու մեկ օր Մանուկին չըս խարցնի, ախր խոր-մոր բերած ի, ախր քյարի բերած չի:

Թաքավոր խարցնեց. - Մանուկ, քե մարդմ-կնիկ, խեր-մեր կա, չկա:

- Օր ես ասեմ, - ասաց, - դյու ընծի ազա անես:

Ասաց. - Խա, ազա կանեմ:

Ասաց. - Ասեմ, մենք Վանա կողից ենք. ես իլա, էմ աղպապքեր բռնի, մեկ մեկի քսան քիսա մալ բռնինք՝ տեհանք Ատամբուլ, կյամին զանեց, մե կյամին տարավ, տարավ զանեց մե սար. մե կյամին կործանեց, ես մենակ պրծա. Ասպած ընծի չտարավ. ես մացի մե տախտըկի, քյամին բիրեց. խանեց դյուս, վիսկի արող ձի գնտավ, բիրեց, էկավ ծախեց քե: Չի էլ կնիկ ունեմ, մեր ունեմ, զոքանչ ունեմ, էս իլավ ծնեմ ժամանակ էկեր եմ մո քե, չգիտեմ, ով ի մեռե, ով ի մնացեր:

Թաքավոր էլավ հոսուն քիսու մալ դրեց խը Մանուկին, դրեց մըջ կյամուն, կյամուչուն ասաց. - Մանուկ տանես, էհաս, մեկ նամակ բիրես, «որ ես Մանուկ սաղ խանի դյուս», որ գյաս, ես քյու նավլոն տամ:

Մանուկ իլավ բիրեց երկիր, մալ լցիր ի դյուռ, օր ուր մալ տանի տուն: Գնաց, կայնավ, տան դյուռ տփեց:

Ինոր կնկյան մեկ մշակ կեր, ասաց մշկուն. - Գնա, ո՛ր դյուռ կը տփի:
 Մշակ գնաց, ասաց. - Քե իշ պինա:
 Ասաց. - Էսա էմ տունն ի, ես տանտերն իմ:
 Մշակ զըվրավ, խաթունին ասաց. - Մեկմ կասի՝ ես տանտերն իմ:
 - Չէ, ես քսան տարի տանտեր չկա, պաթմիշ իլի գնացի, էն սուր ի, էմ
 իրիկ չի:
 Գնաց, ասաց. - Էյ մարդ, խաթուն կասի «էմ իրիկ գնացի կուրիսի»:
 - Գնա՛, ասա, գյա նստի դեմ փանճարին, գրուցք անենք:
 Գնաց, քուրսին դրեց դեմ հերդըսին հողի մեջ, էն դսուց էկավ խետ
 գրուց:
 Կնիկ ասաց. - Դե, գրուցի, ի՞նչ մարդ ես:
 Ասաց. - Ես Մանուկն եմ, պառվու լաճն եմ, իշ ես քյո ֆաս արի,
 գնացի, քյո խեր պսակեց վըր ինձիկ:
 - Չէ, - ասաց, - դու էն մարդ չես. էն մարդ պաթմիշ էլավ:
 Ասաց. - Քյո խապարն ի, կյամին պաթմիշ իլավ, ես նստա վըր մե
 տախտըկի, Աստված ծի տարավ, գնաց Չինաստանա մոտ ծի խանեց
 դյուռ, ես էս օր էկեր իմ որ դյուռ բանաս, ես գյամ:
 - Այ տղա, - ասաց, - քյո աներ մեռեր ի, քյո մեր մեռեր ի, քյո զոքանչ
 մեռեր ի, ես մենակ մնացեր եմ. ինոնց խեր-խերաթ, ժամ-պատարագ
 արեր եմ, արե՛ թուպա արա, դյուռ էն ճամբխով չեհաս, դյուռ բանամ վըր քե:
 Մանուկ ասաց. - Թուպա ըլնի վըր ծիկ, որ էլ էն ճամբխով չերթամ:
 Դյուռ բացեց վըր Մանուկին, էն գյախ իշ կնիկ զՄանուկին տեհավ,
 ինոր մալ ապրանք իշ բիրեր խետ, իրեք տեղով կնկյան խունճան կտռավ
 ուրախութենե:
 Էդ մալ բիրեց, քեշեց ուր տուքանքեր. վըր կնկյան ուրախցավ,
 խունճան կտռեց, երեսքեր պագեց:
 Մանուկ նստավ տուքանքեր, մեկ ժամանակ վրեն ընցավ, մարդմ
 էկավ, ասաց. - Մանո՛ւկ, գերի իկի, ըլենք, հանք, մե խըմա մե մեկ գերի
 բիրենք, գնանք:
 Մանուկ մըջ ուր սրտին ասաց. «Աստված, կըլնի օր էմ թաքավորի
 աղջիկ ըլնի, տըսնամ, առնեմ, գյամ»:
 Գնացին մըջ գերիքերաց. Մանուկ տեհավ մըջ գերեքերաց Չինա
 թաքավորի աղջիկ:
 Գերիքերաց տիրոջ ասաց. - Էսա պստիկին գին ի՞նչ ի:
 Ասաց. - Ինոր տաս ոսկի ի, միջնեկին քսան ոսկի ի:
 - Էն մեկին քյանի՞ ոսկի ի, - ասաց:

Ասաց. - Խարիր ոսկի:

Խարիր ոսկին տվեց, աղջիկ առեց, էկավ, տարավ օդի դուռ բացեց, մտուց հօդեն, գնաց կնկյան ասաց. - Մեկ գերի եմ բիրե, ձեռքմ՝ շոր տար ձեռք մէ՛լ նվին տար, որ մեջ քնի, օրական էրկու տան կերակուր, որ քե կը խարցնի, էմ անուն չասես:

Մանուկ էկավ տուքան, առուտուր կանի:

Երկու ամիս, իրեք ամիս վրեն կընցնի, պե հեվի էլավ, էն մեկ օր նստիր էր, տըհավ, զատանց իշկաց ինե, ճանչցավ. Չինա թաքավոր գինք արե ուր աղջկա իտև, օր գինի, տանի էհա:

Դարվիշ Մանուկի տուքան ընցավ, տեհեր մըշ քաղքին, Մանուկ կանչեց. - Դարվիշ-բաբա՛, արի սդա, նիստ չու հեվարին, ձի գյործ կա խը քե:

Դարվիշ բիրեց, նստըցուց խըտ ուր կշտին:

Մնաց չու հեվարին, էլավ դուռ շինեց. դարվիշ առըց, գնաց, ասաց. - Էս օր էմ խուրն ես:

Դարվիշ ընկյավ իտև, գնաց. գնաց իշ էն հօդեն զաղջիկ մտուցե ինե, դուռ բացեց, դարվիշ մտուց ինե:

Աղջիկ գիտոր ճանչցավ, ասաց. - Այ խերիկ, քե ո՞վ բիրեց սդա:

Խեր ասաց. - Աղջիկ, քե ով բիրեց, ձի էլ էն ի բիրե:

Մանուկ կնկյան ասաց. - Էսօր մե մարդ էլ եմ բիրե. ինոնց շատ լավ կերակուր տաս - հաքմանակ, քե որ կը խարցնեն. «էն ի՞շ մարդ ի մե բիրե», էմ անուն չտաս:

Մե ամիս էն լավնով շախեց:

Մեկ օր խարցնեց կնկյան, էն մարդ իշ մե բիրեց, ընչի չգյա օդա, ըշկանք ի՞շ մարդ ի, գյա մո մե:

Գնաց Մանուկ տըհավ, ասաց. - Ծնա կասեն:

Ասաց. - Գնա՛, ասա՛, ես գյամ, տըհնամ:

Մանուկ գնաց էրկու ձեռք շոր տվեց կտռել, կարել, հեվարին տարավ տվեց կնկյան, կնիկ տարավ, տվեց դարվիշին ու աղջկան, խաքան շորեր:

Թաքավոր ասաց. - Ես թաքավոր եմ, ձի չկա ծնա շորեր, էսա ի՞շ մարդ ի:

Կնիկ զըվրավ, գնաց մո Մանուկ:

Մանուկ մոմ բռնեց ձեռ, գնաց, դուռ բացեց:

Թաքավորն ու աղջիկ էլան, Մանուկի դեմ կայնան:

Մանուկ դուռ տփեց վրեն, ասաց. - Չէ, չում չընստեք, չըմ գյամ:

- Արի՛, - ասին, - մենք կը նստենք:

Մանուկ գնաց թագավորի ձեռք, զըվրավ, էկավ, էլ չմտավ, վըր ոտաց կայմավ, բարև բռնեց:

Թաքավոր տեղ տվեց, մտցոց, ասաց. - Դյու ի՞շ մարդ ես, էսա լավութեն մե կանես, ես քե չըմ ճանչըմա:

Ասաց. - Թաքավոր ապրած, ես Մանուկն եմ, իշ դյու ընծի վիսկի արողի մոտեն գնիր:

էնտեղ ուրախացան, մե մեկու աշկեարա իլան:

Ասաց թաքավոր. - Մանուկ, դյու ե՞րբ մե դաստուր տաս որ մենք հանք:

- Մե շաբաթմ՝ ձի մոհլաթ տվեք. ես տանեմ ձե, դնեմ ճամբխու:

Մանուկ իլավ վեր, թաքավոր իշ եռսուն քիսու մալ էր դրեր, Մանուկն էլ քառասուն քիսու ապրանք դրեց խըտ թաքավորի:

Տարավ դրեց մըջ կյամուն, ասաց կյամուչուն. - էսա մարդ տանես Զինաստան դյուս իսկես, կյամուն նավլոն չառնես, գյաս սդա, ես կյամու նավլոն տամ:

Ընկեավ հեռջև թաքավորին, տարավ մըջ կյամուն: Մանուկ էկավ ետ, բան մ'էր մոռցե տուն, տանի թաքավորին:

Թաքավոր ասաց կյամուչուն. - Որ Մանուկ մտավ կյամին, դյու կյամին թող էն մարդ տանինք խըտ մեր:

Մանուկ էն գյախ էկավ, դաստուր ուզեց. կյամիչին կյամին թողեց:

Մանուկ ասաց. - Թաքավոր ապրած, չըմ իգյա:

- Զէ, տը տանեմ խը ձիկ:

Նստան մըջ կյամուն, գնացին:

էրկու ամիս մնաց մո թաքավոր:

Թաքավոր էլավ ճամբխեց երկիր. էլավ խարիր քիսու մալ, արծաթ- ոսկի դրեց խետ, թասլիմ արաց:

Կյամուչուն ասաց. - էսա մարդ տանես ինոր երկիր, խանես դյուս, կյամու նավլոն մընե չառնես, մեկ նամագիրմ մոտեն բիրես, նավլոն ես կտամ քե:

Մանուկ բիրեց էկավ մալ, ապրանք քեշեց, գնաց տուն: Գնաց դյուռ տվեց. - Կնի՛կ, արե դյուռ բաց, - ասաց:

Կնիկ ասաց. - Դյու էմ իրիկ չես, էմ իրիկ գնաց կուրիսավ:

- Ես Մանուկն եմ, ձի չե՞ս ճանչնաս:

- Որ դյու Մանուկն ես, խըտ էն մարդյու ինչի՞ գնացիր, դյու էրդյում էր արե, չէիեր:

- Ես գնացի, թաքավոր կյամին թողեց, գնաց:

Կնիկ դյուռ բացեց, էդա մալ, ապրանք իշ տըսավ, չորս տեղով խունճան կտռավ:

Էկան, վըր մեկմեկու ուրախացան:

Մալ ու ապրանք քեշեց ներս, դորիս գնաց, նստավ ուր տուքան՝ առուտուր արավ:

Մեկ օր տեհավ թաքավորի փոշտաճին էկավ, գնաց տուքնի դռնեն թափ ընցավ, գնաց:

Մանուկ կանչից. - Դյու ի՞շ մարդ ես:

Ասաց. - Ես իշ մարդ կըլնեմ, քե՞ իշ կա խը ձիկ:

- Ես քե խարցուցեմ, դո՞ր կեհաս, իշ մարդ ես:

Ասաց. - Թաքավորի փոշտաճին եմ, կեհամ ըռայաթի մեջ. էրկու բեռ փարա մեկ սիքից առնեմ, էհամ:

Ասաց. - Ես իրեք բեռ մե սիքից կտամ:

Գնաց փոշտաճին մո թաքավոր, ասաց. - Թաքավոր ապրած, մեկ մարդ, ասեմ, էջմիածնա, ասաց. «Իրեք բեռ փարա մեկ սիքից օրողկեմ»:

- Օրողկի էն մարդ բե, էն մարդ թաքավորի խազինա ի կառի, յա խազինա ի գնտի:

Օրողկեց. Մանուկ տարավ մո զինք, ասաց. - Դյու ի՞շ մարդ ես, որ էրկու բեռ փարա կ'օրողկես մեկ սիքից, դյու թաքավորի խազինեն ես կտռի:

Ասաց. - Աստվածն ի տվե ընծիկ:

- Ի՞շ որ ես ձե խսա արեւ եմ, ըսկուն խսա արաց. «Ծնա գնացի, Չինա թաքավոր գնեց, ծնա արաց»:

Թաքավոր ասաց. - Ա՛յ տղա, գնա՛, քե դաստուր եմ տվե, ես էմ ժողովուրդին փորձի, օր մը ձի ձեռք բռնող կա՞, չէ՞ չկա, չէ, մկա իմցա որ կա:

Մանուկ էկավ տուն, վըր քուֆըթին, ուրախացավ, Աստված քե երկար կյանք տա, դյու էլ վըր քո լաճուն ուրախանաս:

